



iManifesto yeLayibrari yeSikolo

ILayibrari yeSikolo ekuFundiseni nasekuFundeni koLuntu lonke

Ilayibrari yesikolo inika ingcaciso neengcinga ezisisiseko ekusebenzeni ngempumelelo kuluntu lwanamhlanje oluqamele ngengcaciso nolwazi. Ilayibrari yesikolo ixhobisa abafundi ngezakhono zokufunda zobomi bonke yaye ikhuthaza intelekelelo, ibenze babe nokuphila njengabemi abanenkathalo.

UmNqophiso (Mission) weLayibrari yeSikolo

Ilayibrari yesikolo ibonelela ngeenkonzo zemfundo, iincwadi namancedo enza lonke uluntu lwendawo enesikolo lukwazi ukuhluza ngengqiqo iingcinga yaye lube ngabasebenzisi bengcaciso abaphumeleleyo kuzo zonke iifomathi neendlela zonxibelewano. Lilayibrari zezikolo ziaghagamselana neelayibrari namaziko onxibelewano engcaciso banzi kakhulu ngokungqinelana nemigaqo ekwiManifesto yeeLayibrari zikaWonke-wonke ye-UNESCO.

Abasebenzi baselayibrari banika inkxaso malunga nokusetyenzisa kweencwadi kunye neminye imithombo yolwazi, ukususela kwiincwadi ezifundwayo kuye kutsho kwinkcazo-mbali (*documentary*) ngeziganeko ezithile, ukususela kwezo zishicilelwego kuye kwezo zifunyanwa kwiikhompyutha, nokuba kukwiziko elo okanye kwiindawo ezikude. Ezi ncwadi zixhasa yaye zongeze kokukwiincwadi zezfundo (*textbooks*), kwizinto zokufundisa nakwiindlela zokufundisa.

Kuboniswe ngokuphande ukuba xa oosolayibrari nootitshala besebebzisana, abafundi bafumana impumelelo ekumanqanaba aphezulu kulwazi lokubhala, lokufunda, kwimfundo, kwizakhono zokusombulula iingxaki nakwezengcacio nonxibelewano ngethekhinolofi.

Ilinkonzo zelayibrari yesikolo mazibonelelwe ngokulinganayo kulo lonke uluntu olungqonge isikolo, kungakhathaliseki nto yabudala, yahlanga, yasini, yankolo, yabuzwe, yalwimi, yawonga lomntu ngokwemfundo nangokwasentlalweni. Makubonelelwe iinkonzo nezinto zokufunda ezithile kwabo bangkwaziyo ukusebenzia iinkonzo nezinto ezisetyenziswayo ngokubanzi luninzi.

Ukwazi ukufikelela kwiinkonzo makususele kwisiBhengezo seHlabathi samaZwe ngamaZwe samaLungelo neNkululeko yoLuntu lumphela yaye makungaze kuxhomekeke kuzo naziphi na izithintelo ezibangelwa ziindlela ezithile zokucinga (*ideological censorship*), zezopolitiki, okanye zezenkolo okanye luxinzelelo lwezoqoqosho.

Imithetho elawula ukuxhaswa ngemali nonxibelewano

Ilayibrari yesikolo ingundoqo kuso ngasinye isicwangciso sexesha elide sophuhliso lolwazi lokubhala nokufunda, lwemfundo, sokubonelelwa ngengcaciso nophuhliso lwezoqoqosho, lwezentlalo nezenkcubeko. Njengoko ilayibrari yesikolo iluxanduva lwamagunya aloo ndawo (*local*) engingqi (*regional*) nakazwelonke (*national*), kumele ixhaswe ngemithetho nemigaqo-nkqubo ethile. Lilayibrari zezikolo mazifumane inkxaso-mali eyaneleyo neyakuqhube ka ixesha elide ukulungiselela abasebenzi abaqeqeshiweyo, ukuthengwa kweencwadi nezinto ezisetyenziswayo, iithekhonolofi kunye namancedo abonelelwayo. Zonke ezi zinto mazifumaneke mahala.

Ilayibrari yesikolo lihlakani eliphambili kunxibelewano ngezengcacio nelayibrari yaloo ndawo (*local*) yengingqi (*regional*) nekazwelonke (*national*).

Apho ilayibrari yesikolo yabelana ngamancedo ayo kunye /okanye ngemithombo yayo nolunye uhlobo lwelayibrari enjengelayibrari kawonke-wonke, iinjongo ezizodwa nezahlukileyo zelayibrari yesikolo mazivunywe yaye zigcinwe zisaziwa.

Iinjongo zelayibrari yesikolo

Ilayibrari yesikolo iyinxenyen ephambili nengundoqo kwinkqubo yemfundo.

Oku kulandelayo zizinto eziphambili nezingundoqo kupuhhliso lolwazi lokufunda nokubhala, lolwazi lokusebenzisa ingcaciso, lokufundisa, nokukhuthaza ukuthanda ukufunda nekuzezona nkonz ziphambili nezingundoqo zelayibrari yesikolo:

- ukuxhasa nokukhuthaza iinjongo zemfundo njengoko zichaziwe kumnqophiso (*mission*) wesikolo nakwikharityhulam;
- ukukhuthaza nokuxhasa ebantwaneni isiqhelo sokonwabela ukufunda iincwadi nokufunda okwenziwa esikolweni, ukusebenzisa iilayibrari ngalo lonke ixesa lokuphila kwabo;
- ukubanika amathuba okufumana amava ekuyileni nasekuveliseni izinto (*creating*) nasekusebenziseni ingcaciso yokuba babe nolwazi, babe nokuqondola izinto, babe nentelekelelo yaye bakonwabele konke oku;
- ukuxhasa bonke abafundi ekufundeni nakwizakhono zokwazi ukwenza uvavanyo (*evaluation*) nokusebenzisa ingcaciso, kungakhathaliseki luhlobo, fomathi okanye jelo kubandakanya neendlela zonxibelewano kuloo ndawo;
- ukubonelela iindlela zokwazi ukufikelela kumancedo afumaneka kuloo ndawo, ngingqi, kwelo lizwe nakwihlabathi liphela namathuba okubonisa abafundi izimvo ezaqlukeneyo, amava ngamava kwaneengcinga ezaqlukeneyo;
- ukuququzelela izinto zokukhuthaza ukuqatshelwa kwezenkcubeko nezinto zasentlalweni;
- ukusebenza nabafundi, ootishala, abakwezelawulo nabazali ukuba kufikelelw kumnqophiso (*mission*) wesikolo;
- ukwazi ukuba inkululeko yasengqondweni nokwazi ukufikelela kwingcaciso zeazona zinto zibaluleke kakhulu ekubeni abantu babe ngabemi abaphumeleleyo nabanenkathalo nabakwaziyo ukuthatha inxaxheba kwidemokhrasi;
- ukukhuthaza ukufunda namancedo neenkonzo zelayibrari yesikolo kulo lonke uluntu lwendawo enesikolo liphela kwanolo luthe qelete kuso.

Ilayibrari yesikolo yenza yonke le misebenzi ngokuthi iqulunqe imigaqo-nkqubo neenkonzo, ikhethe yaye ifumane amancedo, ibonelele izakhiwo yaye ibenze bafikelele ngengqondo kwimithombo yowlazi efanelekileyo, ibonelele amalungiselelo okufundisa yaye iqueshe abasebenzi abaqqeshiweyo.

Abasebenzi

Usolayibrari wesikolo lilungu labasebenzi abawufundeleyo nabawuqeqeshelweyo umsebenzi wabo onoxanduva lokucwangcisa yaye alawule ilayibrari yesikolo, exhaswa ngabasebenzi abanolwazi nabafanelekileyo kangangoko oku kunokwenzeka, nosebenzisana nalo lonke uluntu olukuloo ndawo inesikolo yaye ekwaqhagamshelana nelayibrari kawonke-wonke nezinye.

Indima yoosolayibrari bezikolo iya kwahluka apha naphaya ngokwebhajethi kunye nangokwekharityhulam neendlela zokufundisa zezikolo, kodwa ke bonke besebenza ngokulandela umthetho olawula ilizwe nemithetho yezimali. Kwiimeko ezithile, zikho iindawo ezifanayo zolwazi ekubaluleke kakhulu ukuba oosolayibrari bezikolo baziphuhlise yaye baziqhube ngempumelelo iinkonzo zelayibrari yesikolo: amancedo, ilayibrari, nolawulo lwengcaciso nokufundisa.

Ukwensiwa kwemisebenzi noLawulo

Ukuqinisekisa ngokwensiwa kwemisebenzi ngokukuko nekfanele uphendule ngayo:

- umgaqo-nkqubo olawula iinkonzo zelayibrari yesikolo mawuqulunqwe ngohlobo lokuba ucacise iinjongo, ezona zinto ziphambili (*priorities*) neenkonzo ngokunxulumene nekharityhulam yesikolo;
- llayibrari yesikolo mayiphathwe yaye igcinwe ngokungqinelana nemigangatho emiselwe olu hlobo lomsebenzi (*professional standards*);
- linkonzo zayo mazifunyanwe lulo lonke uluntu lwalo ndawo inesikolo yaye mayisebenze ngokweemeko zabahlali baloo ndawo.
- makukhuthazwe intsebenziswano nootitshala, abalawuli abakhulu besikolo, abezolawulo, abazali, abanye oosolayibrari neengcali zengcaciso kunye neekomiti zasekuhlaleni.

Ukuphunyezwa kweManifesto

Ziyabongozwa izirhulumente ukuba zithi ngokusebenzisa ii-ofisi zabaphathiswa bazo bezemfundo, ziqlunqe iindlela, imigaqo-nkqubo nezicwangciso zokuphumeza imigaqo yale Manifesto. Izicwangciso mazibandakanye ukusasazwa kwale Manifesto kwiiprogram zoqequesho lokuqala

noluza kuqhubeqa qho loosolayibrari nootitshala.

Translated by:

Language Service
Western Cape Education Department
Western Cape Provincial Government
South Africa